

## نومه دووم یوحنا

۱

۱ طرف یوحنا ربر روحانی کلیسا، به بانو برگزیده و بچونش که هُنون حَقَقْتَن دوس دارم- و نه تِنَا مو، بلکه کُل هُنون که حَقَقْتَن اِشْنَاخْتَنَه.

۲ سی دل او حَقَقْتَن که م وجود اُمون ساکنه و تا ابد پی اُمون.

۳ فِض و رحمت و سلوَمَتی ا جانوب خدا بووه و ا جانوب عیسی مسیح کووک او در حَقَقْتَن و مُحَبَّت پی اُمون.

۴ چَقَدَه خوشحال بیسُم که دیدم بعضیه ا بچونت طبق حکمه که ا بووه گروفتنه ا حَقَقْتَن پَرَوی بگِنِن. ۵ اما ایسون، بانوی محترم، ا تو درخاسه دارم. نه یانکه

حکمه تازه به تو نوسم، بلکه همو وانکه ا اول داشتَمَه، که یِکِدووه مُحَبَّت کُنِم. ۶ و مُحَبَّت یان که ا احکام او اطاعت کُنِم. ا، همو طو که ا اول شَنَفْتِیَه، حکم او

یان که یِکِدووه دوس داشته بووه.

۷ دلتون وَر فریبکارون بووه، که تعدادشون روز به روز زیادتر ببووه.

هُنون قبول ندارن که عیسی مسیح به شکل یه انسان و پی بدنه لِفِ بدن اُمون به ای دنیا اومه. ا، هُنون فریبکار و ضد مسیحن. ۸ دلتون دِهه که ثمر کار

خوتون به باد ندِهه، بلکه پاداشیه به کمال دریافت کُنِه. ۹ هر گسبه که ا تعلیم مسیح بالاتر رووه و م وان پایدار نمَنَه، خدانَ نداره، وانکه م او تعلیم پایدار

مَنَه، هم بوونَ داره و هم کووک. ۱۰ آر گسبه پیش شُمون آیه و ای تعلیم دُرسَ نَ آره، اووه به خوینه خوتون ره مَدِهه و خووش اومی مَدِهه؛ ۱۱ سی یانکه

وانکه اووه خووش اومی دَهه م اعمال بد او شریک بووه.

۱۲ جلی چیا سی گفتن دارم، اما نَحْم کُل م ای نومَه نوسم، سی یانکه اِمدوارم زیتره ایم و شُمونَ بیئم. اوسون ترم حضوری قِصَه کُنِم تا خووشی اُمون کامل

١٣ بچون خار گراميت، سلام ورتون برسونن. آمين! بووه.

